

## Publicaziuns ufficialas dils 8 da mars 2024

### Vischnaunca Trun

#### Cuors da derscher plontas

Igl uffeci forestal da Trun porscha la pusseivladad d'absolver il cuors da derscher plontas da basa (Holzerei Basiskurs E28). Il cuors ha liug naven dils 13 da matg entochen ils 17 da matg. Tut ils interessai ein supplicai da s'annunziar cun indicaziun dalla addressa, nummera dil telefonin ed addressa da mail tier il selvicultur Carlo Monn (carlo.monn@trun.ch / 078 729 73 84) entochen il pli tard ils 5 d'avrel 2024. Per ulteriur sclarament stat il selvicultur bugen a disposiziun.

*Uffeci forestal Trun*

#### Biblioteca Trun

**Venderdis, ils 15 da mars 2024** allas 14.30, viseta il lieuret Pauli puspei la Biblioteca. Affons denter 3 e 6 onns che teidlan bugen historias ein cordialmein envidai cul bab ni la mumma, il tat ni la tatta. Il team dallas bibliotecaras selegran sin vus tut.

#### Casa s. Martin Trun

##### Stiva da caffè

La Casa s. Martin a Trun envida parents ed enconuschents da nossas cussadentas e nos cussadents sco era vischinis e vischins da lunsch e da maneivel all'usitada «stiva da caffè». Ina vasta eleczion da bunas pettas ed autras bunas caussas ei garantiu. Quei **dumengia, ils 17 da mars 2024**, naven dallas 14.00–17.00.

Vossa viseta fagess plascher a cussadentas, cussadents e persunal.

Cordialmein envidan

*meinacasa e persunal*

## Cuors fundamental per pescadurs giuvens/entschaviders 2024

L'Uniun da pescadurs Rein-miez organisescha il cuors obligatoric fundamental per pescadurs novs. Il cuors vegn serraus giu cun gl'attest savida da pescar. Quel lubescha al possesur d'aquistar il patent da pescar el cantun grischun ed en l'entira Svizra, nua ch'il «SANA» vegn pretendius. Ils cuosts muntan à frs. 95.– ed includan il gentar cun bibrondas senza il material da scolaziun. Il cuors ha liug:

Sonda, ils 6 d'avrel 2024 en l'aula dalla scoletta a Curaglia

L'annunzia saveis vus far sut l'adressa [www.anglerausbildung.ch](http://www.anglerausbildung.ch) ni directamein tiel president dall'uniun Placi Flepp 079 406 74 16. Il material da studi anfleis vus sut [www.anglerausbildung.ch](http://www.anglerausbildung.ch).

*Uniun da pescadurs Rein-miez*

## Club da ballapei Trun/Rabius

### Turnier da bigliard

Sco mintg'onn organisescha il club da ballapei Trun/ Rabius il tradiziunal turnier da bigliard.

Uonn ha quei turnier liug naven dils 8 da mars entochen ils 6 d'avrel 2024 ella Pizzeria da Stefano a Trun.

In cordial beinvegni fa il

*CB Trun/Rabius cun ses organisaturs e scribents*

## Uniun da teater Trun

**La radunanza generala dalla Uniun da teater Trun ha liug venderdis, ils 22 da mars 2024** dallas 20.15 el Café Tschut. La gliesta da tractandas cun rapports e protocol dalla davosa radunanza generala suondan per e-mail e WhatsApp. L'uniun da teater Trun envida cordialmein era tuttas persunas che fan part activamein dil toc «Sut igl Ischi 2024» alla radunanza generala.

## Cuors d'emprem agid

**Mardis, ils 2 d'avrel 2024** allas 18.30 - 21.30 e **sonda, ils 6 d'avrel** dallas 8.00 -12.00 e suentermiezdi dallas 13.00–16.30 a Trun. L'uniun samaritana Sumvitg-Trun pren bugen encunter annunzias entochen ils 14 da fevrer 2024 sut 079 920 72 38.

**Ludoteca Disentis/Mustér e contuorn**

**Sera da giugs, 13-3-2024**

Mira sut vischnaunca Mustér!

**Di da portas aviartas**

Mira sut vischnaunca Mustér!